

UNIVERZITET U SARAJEVU

- SENAT -

Broj: 01-3036/16

Sarajevo, 12. 05. 2016. godine

ZAPISNIK SA IZBORNE SJEDNICE SENATA ODRŽANE 12. 05. 2016. GODINE

Prisutni članovi Senata: prof. dr. Muharem Avdispahić, rektor, prof. dr. Dženan Đonlagić, prof. dr. Zehra Kreho, prof. dr. Ugo Vlasisavljević i prof. dr. Faruk Mekić, prorektori, Bekir Rovčanin, student-prorektor, prof. Marina Finci, prof. dr. Mersad Čuljević, prof. mr. Mevludin Zečević, prof. dr. Željko Šain, prof. dr. Samim Konjicija, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Izet Rađo, prof. dr. Samir Čaušević, prof. dr. Dijana Avdić, prof. dr. Davorica Završnik, prof. dr. Salih Fočo, prof. dr. Mustafa Hrasnica, prof. dr. Izet Bijelonja, prof. dr. Almira Hadžović-Džuvo, prof. dr. Ivan Čavlović, prof. dr. Fatih Destović, prof. dr. Zaltan Sarić, prof. dr. Hajrija Sijerčić-Čolić, prof. dr. Mustafa Memić, prof. dr. Muhamed Ajanović, prof. dr. Mirza Dautbašić, prof. dr. Nihad Fejzić, prof. dr. Nezir Krčalo, prof. dr. Naris Pojskić, prof. dr. Husnija Kamberović, dr. Rasim Muratović, dr. Alen Kalajdzija, te predstavnici Studentskog parlamenta Univerziteta u Sarajevu: Haris Zahiragić, predsjednik SPUS-a, student drugog ciklusa studija Pravnog fakulteta, Malik Ejubović, student integriranog studija Medicinskog fakulteta, Bakir Ganić, student prvog ciklusa studija Šumarskog fakulteta, Mejrem Selimbegović (uz ovlaštenje SPUS-a), student prvog ciklusa studija Elektrotehničkog fakulteta, Mirza Ibrahimović, student drugog ciklusa studija Fakulteta sporta i tjelesnog odgoja, Mirela Mujović, student drugog ciklusa studija Fakulteta za kriminalistiku, kriminologiju i sigurnosne studije, i Lejla Lasić, student trećeg ciklusa studija Prirodno-matematičkog fakulteta Univerziteta u Sarajevu.

Ostali prisutni: prof. dr. Borislav Petrović, dekan Pravnog fakulteta Univerziteta u Sarajevu, i dr. sc. Suvad Konaković, generalni sekretar Univerziteta u Sarajevu.

Odsutni članovi Senata: prof. dr. Darko Tomašević i dr. Adnan Kadrić.

Zasjedanje je počelo u 11:00 sati.

Sjednicu je otvorio prof. dr. Muharem Avdispahić. Prije prelaska na rad pozvao je sve prisutne da minutom šutnje odaju počast nedavno preminulom akademiku Božidaru Matiću, rektoru Univerziteta u Sarajevu u periodu 1981–1985.

Utvrđeno je da, od 44 člana Senata, sjednici prisustvuju 42 člana Senata i da postoji kvorum za punopravno odlučivanje.

Senatori su prihvatili da se na sjednici vodi i audiozapis, koji će činiti sastavni dio Zapisnika.

Zatim su članovi Senata jednoglasno usvojili sljedeći

DNEVNI RED

1. Imenovanje predsjedavajućeg izborne sjednice Senata Univerziteta u Sarajevu
2. Usvajanje Izvještaja Komisije za provođenje procedure izbora rektora Univerziteta u Sarajevu za mandatni period 2016–2020. godine broj: 0105-2921/16 od 25. 04. 2016. godine
3. Usvajanje procedure provođenja glasanja za izbor rektora Univerziteta u Sarajevu za mandatni period 2016–2020. godine
4. Prezentacija liste kandidata za izbor rektora Univerziteta u Sarajevu (predsjednik Komisije za provođenje procedure izbora rektora)
5. Imenovanje Komisije za provođenje procedure glasanja za izbor rektora Univerziteta u Sarajevu
6. Usmena prezentacija programa rada kandidata za izbor rektora Univerziteta u Sarajevu
7. Glasanje za izbor rektora Univerziteta u Sarajevu
8. Izvještaj Komisije za provođenje procedure glasanja za izbor rektora Univerziteta u Sarajevu i objavljivanje rezultata glasanja
9. Izbor rektora Univerziteta u Sarajevu za mandatni period 2016–2020. godine

TOK SJEDNICE

Ad-1.

Za predsjedavajućeg izborne sjednice Senata Univerziteta u Sarajevu jednoglasno je imenovan prof. dr. Ivan Čavlović.

Ad-2.

Prof. dr. Hajrija Sijerčić-Čolić, predsjednica Komisija za provođenje procedure izbora rektora za mandatni period 2016–2020. godine, izvijestila je članove Senata o slijedećem:

- da je na osnovu Odluke Senata Univerziteta u Sarajevu broj: 01-2177/16 od 30. 03. 2016. godine imenovana Komisija za provođenje procedure izbora rektora za mandatni period 2016–2020. godine u sljedećem sastavu: prof. dr. Hajrija Sijerčić-Čolić, predsjednica, prof. dr. Salih Fočo, prof. dr. Dijana Avdić, prof. dr. Izet Bijelonja i prof. dr. Ivan Čavlović, članovi;
- da je Konkurs za izbor rektora Univerziteta u Sarajevu za mandatni period 2016–2020. godine objavljen u dnevnim listovima „Oslobođenje“, „Dnevni Avaz“ i „Nezavisne

novine“ te na web stranici Univerziteta u Sarajevu (www.unsa.ba) 31. 03. 2016. godine;

- da je krajnji rok za dostavu prijava bio 15. 04. 2016. godine;
- da se do krajnjeg roka prijavilo 4 (četiri) kandidata i to:
 - prof. dr. Ejub Džaferović, redovni profesor Mašinskog fakulteta Univerziteta u Sarajevu,
 - prof. dr. Rifat Škrijelj, redovni profesor Prirodno-matematičkog fakulteta Univerziteta u Sarajevu,
 - prof. dr. Faruk Čaklovica, redovni profesor Veterinarskog fakulteta Univerziteta u Sarajevu, i
 - prof. dr. Muharem Avdispahić, redovni profesor Prirodno-matematičkog fakulteta Univerziteta u Sarajevu;
- da je Komisija konstatirala da su sve podnesene prijave potpune, odnosno da su svi kandidati priložili potrebne dokaze o ispunjavanju uvjeta utvrđenih Konkursom za izbor rektora.

Zatim je jednoglasno donesena

ODLUKA

o usvajanju Izvještaja Komisije za provođenje procedure izbora rektora za mandatni period 2016–2020. godine broj: 0105-2921/16 od 25. 04. 2016. godine.

Ad-3.

Jednoglasno je donesena

ODLUKA

o usvajanju procedure provođenja glasanja za izbor rektora Univerziteta u Sarajevu za mandatni period 2016–2020. godine, kako slijedi:

1. zapisnički se utvrđuje broj prisutnih članova Senata Univerziteta u Sarajevu;
2. dozvoljeno vrijeme za prezentaciju programa rada ne može biti duže od 10 minuta (po kandidatu);
3. po okončanju prezentacija svih kandidata za rektora, a u vezi sa izloženim programima rada, članovi Senata mogu postavljati pitanja (do 5 minuta po kandidatu);
4. Komisija za provođenje procedure glasanja za izbor rektora Univerziteta u Sarajevu obavezna je obezbijediti sve potrebne uvjete za tajno glasanje;
5. tajno glasanje se provodi putem ovjerenih glasačkih listića, odštampanih u istom broju za svaki krug glasanja, a koji predstavljaju ukupan broj članova Senata Univerziteta u Sarajevu;

6. za provođenje procedure tajnog glasanja obezbijedena je glasačka kutija i tri hemijske olovke sa crvenom tintom koje će biti postavljene u prostoru u sali Senata odvojenom za tajno glasanje;
7. važećim listićem smatrat će se samo onaj listić na kojem je zaokružen redni broj ispred imena samo jednog kandidata za kojeg se glasa;
8. nakon izvršenog glasanja glasački listić se ubacuje u glasačku kutiju;
9. nakon završene procedure glasanja Komisija za provođenje procedure glasanja odmah vrši otvaranje glasačke kutije i prebrojava glasačke listiće i utvrđuje rezultate glasanja;
10. za rektora je izabran onaj kandidat koji u proceduri glasanja dobije većinu glasova od ukupnog broja članova Senata (u daljnjem tekstu: potrebna većina);
11. nakon izbora rektora Senat Univerziteta u Sarajevu ovlašćuje člana Senata da potpiše rješenje o izboru rektora;
12. ovlašteni član Senata je obavezan, najkasnije u roku od 7 (sedam) dana od dana izbora rektora, potpisati rješenje o imenovanju rektora i dostaviti informacije o izboru i prijavljenim kandidatima na Konkurs za izbor rektora;
13. ukoliko niti jedan kandidat ne dobije potrebnu većinu, glasanje se ponavlja na isti način i pod istim uvjetima kao i prvo glasanje;
14. u ponovljenom glasanju izbor se vrši između dvaju kandidata koji su dobili najveći broj glasova u prvom krugu, odnosno između više njih ako su dobili jednak broj glasova;
15. u ponovljenom glasanju izabran je onaj kandidat koji dobije potrebnu većinu glasova;
16. ukoliko u ponovljenom glasanju dva ili više kandidata dobiju podjednak broj glasova, glasanje se ponavlja još jednom na isti način i pod istim uvjetima kao i prethodna dva glasanja;
17. ukoliko ni u ponovljenom glasanju niti jedan kandidat ne dobije potrebnu većinu, cjelokupni izborni postupak se ponavlja.

Ad-4.

Prof. dr. Hajrija Sijerčić-Čolić, predsjednica Komisije za provođenje procedure izbora rektora, senatorima je prezentirala listu kandidata za izbor rektora Univerziteta u Sarajevu, prema redoslijedu dostavljanja prijave na Konkurs, a kako slijedi:

- prof. dr. Ejub Džaferović, redovni profesor Mašinskog fakulteta Univerziteta u Sarajevu,
- prof. dr. Rifat Škrijelj, redovni profesor Prirodno-matematičkog fakulteta Univerziteta u Sarajevu,
- prof. dr. Faruk Čaklović, redovni profesor Veterinarskog fakulteta Univerziteta u Sarajevu,

- prof. dr. Muharem Avdispahić, redovni profesor Prirodno-matematičkog fakulteta Univerziteta u Sarajevu.

Ad-5.

Predsjedavajući prof. dr. Ivan Čavlović je predložio da se imenuje komisija za provođenje procedure glasanja za izbor rektora Univerziteta u Sarajevu u sastavu koji je dostavljen senatorima uz materijale za izbornu sjednicu, a koju čine generalni sekretar, dva pravnik iz Službe za pravne poslove, pravnik iz Službe za opće poslove i predstavnik studenata – bachelor prava. Prof. dr. Nedžad Korajlić zatražio je da se imenuje komisija sačinjena od članova Senata iz grupacija nauka i umjetnosti. Nakon usaglašavanja stavova predložena je Komisija u sastavu:

1. dr. sc. Suvad Konaković, predsjednik
2. prof. dr. Izet Rađo, član
3. prof. dr. Željko Šain, član
4. prof. dr. Mersad Čuljević, član
5. Azra Zvizdić, dipl. iur., član i
6. Haris Zahiragić, BA, član

Sa 41 glasom „za“ i 1 glasom „protiv“ Senat je donio

ODLUKU

o imenovanju Komisije za provođenje procedure glasanja za izbor rektora Univerziteta u Sarajevu za mandatni period 2016–2020. godine u sljedećem sastavu:

1. dr. sc. Suvad Konaković, predsjednik
2. prof. dr. Izet Rađo, član
3. prof. dr. Željko Šain, član
4. prof. dr. Mersad Čuljević, član
5. Azra Zvizdić, dipl. iur., član i
6. Haris Zahiragić, BA, član

Zadatak Komisije je da provede i nadgleda cjelokupnu proceduru glasanja, a posebno da provjeri da li je glasački materijal ispravan (birački spiskovi, glasačka kutija i glasački listići) i o tome pisano izvijesti Senat po okončanju postupka i objavi rezultate glasanja.

Ad-6.

Usvojen je prijedlog predsjedavajućeg Senata da kandidati za rektora usmeno prezentiraju programe rada za mandatni period 2016–2020. godine, prema redoslijedu dostavljanja prijave na Konkurs.

Nakon toga, a po pozivu predsjedavajućeg, svi kandidati su usmeno prezentirali programe rada (do 10 minuta po kandidatu) i to po sljedećem redoslijedu:

1. prof. dr. Ejub Džaferović – od 11:33 do 11:43 sati
2. prof. dr. Rifat Škrijelj – od 11:44 do 11:54 sati
3. prof. dr. Faruk Čaklović – od 11:54 do 12:05 sati i
4. prof. dr. Muharem Avdispahić – od 12:06 do 12:17 sati

Po okončanju prezentacija programa rada svih kandidata za izbor rektora članovi Senata: prof. dr. Salih Fočo, prof. dr. Dženan Đonlagić, Haris Zahiragić, prof. dr. Faruk Mekić, prof. dr. Husnija Kamberović, prof. dr. Ivan Čavlović i prof. dr. Samim Konjicija, postavljali su pitanja kandidatima.

Kandidati su odgovorili na postavljena pitanja (do 5 minuta po kandidatu). Odgovori kandidata su zabilježeni na uređaju za audiozapis.

Ad-7.

Dr. sc. Suvad Konaković, predsjednik Komisije za provođenje procedure glasanja za izbor rektora, ukratko je obavijestio o načinu provođenja glasanja za izbor rektora Univerziteta, a u skladu sa usvojenom procedurom provođenja glasanja za izbor rektora Univerziteta u Sarajevu za mandatni period 2016–2020. godine.

Članovi Senata su pristupili glasanju.

Glasanje je započelo u 13:09 sati.

Glasanje je završeno u 13:25 sati.

Prebrojavanje glasova je započelo u 13:26 sati.

Prebrojavanje glasova je završeno u 13:35 sati.

Ad-8.

Komisija je podnijela izvještaj o rezultatima glasanja. Utvrđeno je da pravo glasa imaju 44 člana Senata, te da su 42 člana Senata primila glasački listić i glasala. Komisija je konstatirala broj glasova koje je dobio svaki od kandidata:

1. prof. dr. Ejub Džaferović – 3 glasa
2. prof. dr. Rifat Škrijelj – 28 glasova
3. prof. dr. Faruk Čaklovića – 3 glasa i
4. prof. dr. Muharem Avdispahić – 7 glasova

Jedan glasački listić je bio nevažeći.

Komisija je predložila Senatu da usvoji Izvještaj.

Senat je jednoglasno donio

ODLUKU

o usvajanju Izvještaja Komisije za provođenje procedure glasanja za izbor rektora Univerziteta u Sarajevu za mandatni period 2016–2020. godine.

Ad-9.

a) Donesena je

ODLUKA O IZBORU REKTORA UNIVERZITETA U SARAJEVU

Dr. Rifat Škrijelj, redovni profesor Prirodno-matematičkog fakulteta Univerziteta u Sarajevu, bira se za rektora Univerziteta u Sarajevu za mandatni period 2016–2020. godine.

Mandat rektora prof. dr. Rifata Škrijelja počinje teći od 01. 10. 2016. godine.

Zadužuje se Služba za pravne poslove Univerziteta da, u roku od 7 (sedam) dana od dana održavanja izborne sjednice Senata, ovlaštenom članu Senata Univerziteta u Sarajevu dostavi rješenje o imenovanju rektora Univerziteta u Sarajevu na potpis.

Ova odluka stupa na snagu datumom donošenja.

O b r a z l o ž e n j e

U skladu sa Konkursom za izbor rektora Univerziteta u Sarajevu za mandatni period 2016–2020. godine, objavljenim u dnevnim listovima „Oslobođenje“, „Dnevni Avaz“ i „Nezavisne novine“ te na web stranici Univerziteta u Sarajevu (www.unsa.ba) 31. 03. 2016. godine, a shodno Izvještaju Komisije za provođenje procedure izbora rektora za mandatni period 2016–2020. godine broj: 0105-2921/16 od 25. 04. 2016. godine, na izbornoj sjednici Senata Univerziteta u Sarajevu održanoj 12. 05. 2016. godine provedena je procedura glasanja za izbor rektora Univerziteta u Sarajevu za mandatni period 2016–2020. godine.

Nakon provedene procedure tajnog glasanja konstatirao je da su, od ukupno 44 člana Senata upisana u birački spisak, glasala 42 člana Senata.

Rezultati glasanja su bili sljedeći:

- prof. dr. Ejub Džaferović, redovni profesor Mašinskog fakulteta Univerziteta u Sarajevu – 3 glasa
- prof. dr. Rifat Škrijelj, redovni profesor Prirodno-matematičkog fakulteta Univerziteta u Sarajevu – 28 glasova
- prof. dr. Faruk Čaklovića, redovni profesor Veterinarskog fakulteta Univerziteta u Sarajevu – 3 glasa i
- prof. dr. Muharem Avdispahić, redovni profesor Prirodno-matematičkog fakulteta Univerziteta u Sarajevu – 7 glasova

Nakon razmatranja Izvještaja Komisije o provedenoj proceduri glasanja za izbor rektora Univerziteta u Sarajevu za mandatni period 2016–2020. godine, Senat je isti usvojio i konstatirao da je za rektora Univerziteta u Sarajevu za mandatni period 2016–2020. godine izabran

- prof. dr. Rifat Škrijelj, redovni profesor Prirodno-matematičkog fakulteta Univerziteta u Sarajevu sa 28 glasova.

U vezi sa svim naprijed navedenim, odlučeno je kao u dispozitivu.

b) Doneseno je

R J E Š E N J E **O IMENOVANJU REKTORA UNIVERZITETA U SARAJEVU** **ZA MANDATNI PERIOD 2016–2020. GODINE**

1. **Dr. Rifat Škrijelj**, redovni profesor Prirodno-matematičkog fakulteta Univerziteta u Sarajevu, imenuje se za rektora Univerziteta u Sarajevu.
 2. Mandat rektora Univerziteta u Sarajevu traje četiri godine i počinje teći od 01. 10. 2016. godine.
 3. Prije preuzimanja dužnosti rektora izabrani rektor je obavezan potpisati izjavu o prihvatanju dužnosti.
- c) Na osnovu člana 121. stav (6) Zakona o visokom obrazovanju Kantona Sarajevo (prečišćeni tekst; „Službene novine Kantona Sarajevo“, br. 42/13 i 13/15) i člana 63. stav (10) Statuta Univerziteta u Sarajevu, Senat Univerziteta u Sarajevu dao je sljedeće

O V L A Š T E N J E

Ovlašćuje se prof. dr. Ivan Čavlović, član Senata Univerziteta u Sarajevu, da potpiše odluku o izboru prof. dr. Rifata Škrijelja za rektora Univerziteta u Sarajevu za mandatni period 2016–2020. godine i rješenje o imenovanju prof. dr. Rifata Škrijelja za rektora Univerziteta u Sarajevu za mandatni period 2016–2020. godine.

Prof. dr. Ivan Čavlović, predsjedavajući Senata Univerziteta u Sarajevu, zaključio je sjednicu u 13:45 sati.

Predsjedavajući Senata

Prof. dr. Ivan Čavlović, s. r.

Zapisničar:

Alma Voloder-Madacki, s. r.